



VAR

Ikke Kast ting i do!




Bruker du toalettet som bossbøtte, bidrar du til forsøpling i terrenget og hav.

Ein landsdekkande kampanje skal motivere til betre toalettvett.
Bla om og les meir!

Bæsj, tiss og dopapir er det einaste som skal i do!

Tømmer du matfeitt i vasken, eller kaster våtserviettar, tampongar og bind i toalettet? Då er du med å bidra til at store mengder plast hamner i havet. I desse dagar startar ein landsdekkande kampanje for å få bukt med boss i toalettet. Kampanjen «Det må du nesten bare drite i» vil gå i sosiale media i heile 2022.



Kostbart meirarbeid

Kvar einaste dag skaper boss i toalettet store utfordringar for avløps-systemet vårt. Konsekvensane er kostbart meirarbeid med tette rør og tilstoppa pumper. Avløpsvatnet lar seg ikkje stoppe av eit tilstoppa rør. Det finn andre vegar som inn i kjellarar og/eller til overlop der ureinsa avløpsvatn og toalettboss flyt fritt ut i terrenget og sjø. NRK sin nye serie «Plasthavet» kan få det til å gå kaldt nedover ryggen på oss.

Mikroplast i havet

Mange av produkta som går i toalettet inneheld plast, som våtserviettar, eingongsklutar, sanitærartiklar, sigaretsneipar, linser, tanntråd og emballasje. Dette blir til slutt mikroplast dersom det hamnar i havet.

Forsking viser at hovudkjelda til bosset vi ser langs norske strender er frå toaletta i heimen. Men veit ikkje folk at dei ikkje skal bruke toalettet som bossbøtte? Undersøkingar viser jo at ni av ti har oppgitt at dei har bossbøtte på badet. Kvifor blir ikkje denne brukt?

Eitt av måla til kampanjen er å gje folk kunnskap om ikkje å bruke toalettet som bossbøtte, fordi dei enkle vala fort kan skape store problem. I staden vil vi motivere folk til å velje bossbøtta og kjelde-sortering.

**DET MÅ DU
NESTEN BARE
DRITE I ☺**

Heng returplastsekken på ein krok!

Vi har kjøpt inn krokar som gjer det enkelt å hengje returplastsekken på papirspannet. Du slepp å knyte sekken fast til spannet. Berre knyt att sekken, og heng han på kroken. Fest kroken med ein strips på handtaket. Frå februar vil vi dele ut krokar på gjenbruksstasjonane.

HUGS: Returplastekkane skal berre nyttast til returplast som blir henta heime hos deg.

Ikkje bruk dei til levering av avfall på gjenbruksstasjonane. Til dette må ein kjøpe eigne gjennomsiktige sekkar.



Datamerking av bosspenn i nordre del av Øygarden kommune

Merking i nordre del av kommunen (gamle Øygarden kommune) er ferdig. Umerka spenn vert ikkje tömt frå januar. Om de har fått ein merkelapp på spannet om at det ikkje er merka – ta kontakt med ØYVAR.

Bosspannet mitt er borte

Er spannet borte når du skal henta det etter tömming, kan du sjekke om det står eit spenn igjen, og om nokon kan ha tatt feil spenn. Gi det gjerne eit par dagar før du tar kontakt med oss, det dukkar ofte opp igjen.

VISSTE DU...

om du treng større papirspann (240 l) kan du få dette kostnadsfritt.



Hjelp renovatørane!

Skal bossbilen kunne køyre trygt, er det viktig av vegen blir måka og strødd ved snøfall. Også snuplassar må måkast og strøast. Sjåføren kan la vere å køyre strekninga dersom han meiner vegbanen er for glatt. Sett gjerne spann til hovudvegen.

HUGS Å...

- måke snø av lokket og rundt spannet (pass på at lokket ikkje frys fast).
- parkere slik at bossbilen kjem fram.
- legge litt avisapir eller eggkartong i botnen av matavfallsspannet, så ikkje avfallet frys fast.

Vi blir kjempefornøgd når spannet står plassert med handtaket ut mot vegen på tømmedag!

LidSafe – held lokket nede

LidSafe er ein stropp som held bosspannlokket på plass i sterk vind eller om spannet velter. Mange har gode erfaringar med stroppen, som er til sals for 100 kronar på gjenbruksstasjonane i Lonavegen og Midtstegen. Følg instruksjonane for montering nøyde, slik at stroppen ikkje kjem i konflikt med løftebommen på bilen ved tømming av spannet.

Sjå meir på
[www.avfallssikring.no/
produkt/lidsafe](http://www.avfallssikring.no/produkt/lidsafe)



Får du ikkje varsel i tømme-appen?

No får du ikkje lenger tømme-kalender i postkassen, men ØyVAR-appen minner deg på når bosset skal settast ut. Om du har problem med å få varsling – sjekk følgjande:

1. Hugs å halde appen oppdatert. I utgangspunktet held det at du opnar appen med jamne mellomrom, men du kan også oppdatere appen manuelt under «Informasjon» i hovudmenyen.
2. Pass på at du har tillat appen å sende deg varslar. Dette kan du sjekke under innstillingane på telefonen din.
3. Har du velt riktig tømmesone? Sonen du har velt vises øvst i opningsbildet i appen. Om det er feil kan du endre ved å klikke på tannhjulet øvst til høyre.
4. Har du velt eit egna tidspunkt for varsling? Du kan sjølv vel tidspunkt for varsling ved å klikke på tannhjulet.

Reduser gebyret med sjeldnare tømming!

Er du flink til å sortere avfallet og har god plass i restavfallsdunken din? Hugs at henting av restavfall kvar 4. veke gjev redusert renovasjonsgebyr. Hushald med lite restavfall kan velje sjeldnare hentefrekvens for restavfall, det vil seie henting kvar 4. veke i staden for kvar 2. veke som er det mest vanlege.



Info til brukarar av Bruktbuene

Brukbuene har tidvis vore stengde gjennom pandemien. I seinare tid har Bruktbua i Midtstegen vore open for både innsetjing og uthenting, medan vi i Lonavegen på Straume har mått aavgrense bruken til å setje inn gjenstandar.

Gjenstandane blir så framsynt i Bruktbua på Midtstegen. Dette er ei ordning som vil halde fram. Det reduserer det totale trykket på Straume, samstundes som vi i Midtstegen har betre lokale med tanke på både framsyning av gjenstandar og smittevern. Hugs at du må betale for det du set inn i Bruktbua, på same måte som for anna avfall.



Returpunkt for glas- og metallsemballasje

Dei fleste er kjende med dei grøne igloane til glas- og metallemballasje. I tillegg finst det større nedgravne innsamlingseininger ved Straumsfjellet Panorama i Straumsfjellvegen og bak Sartorgården på Straume, og ved Mekk på Ågotnes.

Sjå www.oyvar.no/renovasjon/returpunkt/



Nyheit i Returkartonglotteriet!



Nytt av året er at uansett om du leverer kartongane enkeltvis eller i kubbe, så er du med i trekninga av både 10.000 og 100.000 kroner så lenge du skriv namn og telefonnummer på kartongen.



Alle drikkekartongar kan vera lodd i returkartonglotteriet. Dette vil vera alle kartongar som har inneholdt mat eller drikke, som har eit belegg av plast eller metall på innsida. Kvart år har returkartonglotteriet 124 vinnarar, og vinnarsjansen er lik uansett kvar du bur.

SLIK DELTEK DU

- Skyl kartongen, press den flat og skriv namn og telefonnummer på kubben eller enkeltkartongen. Bruk helst vassfast tusj, om du har.
- Legg kartongen i papirdunka din.

Les meir på www.grontpunkt.no/gjenvinning/returkartonglotteriet

ØyVAR sponsar tøybleier!

Vi sponsrar alle småbarnsforeldre busett i Øygarden kommune som vel å bruke tøybleier til barnet sitt i staden for papirbleier. Dagens tøybleier er mykje betre enn dei som var før i tida. Bruk av tøybleier vil verkeleg hjelpe å få ned mengde boss.

For å få refundert 1 000 kroner ved kjøp av tøybleier må ein dokumentere kjøp over 1 000 kronar.

Søknadsskjema og meir informasjon finn du på www.oyvar.no/renovasjon/sponsoring-toybleier/

Tips til frosen kompost

Det er ingen krise om komposten frys. Ein frosen kompostbinge kan hjelpast med «varmeflaske». Fyll ein eller to store plastflasker med varmt vatn og grav dei ned i massen. Gjenta dette i nokre dagar. Eit anna godt tips kan vere å leggje eit gammalt ullteppe eller ulltrøye under innerloket på kompostbingen for betre isolasjon.

Avlesing av vassmålar ved sal av bustad

Vi har berre 1 avlesing i året, så om de skal fordele ved eigarskifte må de lese av og fordele forbruket seg imellom på eiga hand.



øyvar.no

Tlf: 56 31 59 30 - E-post: postboks@oyvar.no



Følg oss på Facebook og få oppdatert informasjon

OPNINGSTIDER PÅ GJENBRUKSSTASJONANE

Lonavegen 20, Straume

Måndag, torsdag: 10-19
Tysdag, onsdag, fredag: 10-15
Laurdag: 10-16

Midtstegen 50, Skogsvåg

Måndag, onsdag: 10-19
Torsdag: 10-17
Tysdag, fredag: STENGT
Laurdag: 10-16

Miljøpunkt Tjeldstø

Onsdag: 10-18

